



PORTAVÓS VI GOVERN U KONSTITUSIONÁL



KOMUNIKADU BA MEDIA

Dili, Ioron 19 fulan-maiu tinan 2017

Governu hato'o kondolénsia ba Mário Viegas Carrascalão nia mate

Ho laran susar tebes maka Governu Timor-Leste simu notísia kona-ba Mário Viegas Carrascalão, antigu Vise-Primeiru-Ministru Governu Konstitusionál IV no figura polítika importante ida iha Timor-Leste, nia mate ohin dadeersan ne'e. Hodi Governu nia naran, Primeiru-Ministru, Rui Maria de Araújo, hato'o sentida kondolénsia ba família, belun no kolega sira Mário Carrascalão nian no fó omenajen ba ninia kontributu ne'ebé nia fó ona ba Nasaun ne'e.

Mário Carrascalão celebra ninia aniversáriu ba da-80 foin daudaun ne'e no simu Kolár Orden Timor-Leste nian husi Prezidente Repúblika nia liman, ba rekoñesimentu husi servisu ne'ebé nia fó ona ba nasaun ne'e.

Mário Carrascalão moris iha Venilale, Baukau, iha Ioron 12 fulan-maiu tinan 1937. Simu graduasaun Enjeñaria nian iha Portugal no hafoin fila mai Timor, serbisu hanesan Xefe Departamentu Florestas no Agrikultura. Iha tinan 1974, sai nu'udar fundadór no Prezidente ba Uniaun Demokrátika Timorensa [UDT]. Durante okupasaun Indonézia nian, sai nu'udar Governadór, husi tinan 1982 to'o 1992, no tuir mai hala'o ninia knaar fundamentál ida iha prosesu tranzisaun nian, ba preparasaun governasaun pós-independénsia ida. Iha ne'e inklui ninia knaar nu'udar Portavós Konsellu Nasionál no nu'udar Vise-Prezidente Konsellu Nasionál Rezisténsia Timorensa. Iha tinan 2000, forma Partidu Sosiál Demokrátiku [PSD] no sai mós hanesan partidu ne'e nia dirijente. Iha tinan 2006, lansa ninia autobiografia ho título "Timor - Antes do Futuro" ("Timor - Molok Futuru"). Iha tinan 2008, iha âmbito remodelasaun governamentál ida, Mário Carrascalão simu pose nu'udar Vise-Primeiru-Ministru Koordinadór Asuntus Jestaun Administrasaun Estado husi Governu Konstitusionál IV.

Portavóz Governu nian, Ministériu Estadu Agio Pereira, hatete katak "ho laran susar tebes ita simu notísia kona-ba dirijente enerjiku no pragmátiku nia mate, ne'ebé fó laran tomak no ho vontade boot tebes atu serbí Nasaun. Ita hato'o ita-nia sentimentu ba família Carrascalão, iha momentu susar ida ne'e".

REMATA



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-lesle.gov.tl